

BOSNA I HERCEGOVINA
FEDERACIJA BOSNE I HERCEGOVINE
BOSANSKO - PODRINJSKI KANTON GORAŽDE
OPĆINSKI SUD U GORAŽDU
Broj: 45 0 St 047564 24 St
Goražde, 07.10.2024. godine

OPĆINSKI SUD U GORAŽDU, stečajni sudija Muris Tatarin, razmatrajući prijedlog predlagača "Empek" d.o.o. Goražde, da se nad pravnim licem otvori stečajni postupak, van ročišta, dana 07.10.2024. godine donio je sljedeće:

R J E Š E N J E

1. Otvara se stečajni postupak nad imovinom stečajnog dužnika "Empek" d.o.o. Goražde, ulica Zaima Imamovića broj 27, MBS: 45-01-0011-16, JIB: 4245043950000.
2. Za stečajnog upravnika imenuje se Hamidović Besim, ulica Osik do broja 7 Ilidža Sarajevo.
3. Kao vrijeme otvaranja stečajnog postupka utvrđuje se dan PONEDELJAK 07.10.2024.godine u 12,00 sati.
4. Pozivaju se povjerioci da u roku od 30 dana od dana objavljivanja oglasa o otvaranju stečajnog postupka u "Sl. novinama F BiH" prijave svoja potraživanja Sudu, u dva primjerka s dokazima pozivom na broj predmeta: 45 0 St 047564 24 St.
5. Uz prijavu povjerioci su dužni priložiti i dokaz o uplaćenju taksu na prijavu potraživanja kako slijedi:
za prijave povjerilaca iznos od 1% od vrijednosti potraživanja, s tim da ne može biti manja od 20,00 KM niti veća od 10.000,00 KM.
Taksu uplatiti na žiro račun broj: 101-140-0078226394, vrsta prihoda 722221, budžetska organizacija 1503001 otvoren kod Privredne banke d.d. Sarajevo u korist Bosansko - podrinjskog kantona Goražde.
Povjeriocima koji uz podnesenu prijavu potraživanja ne prilože dokaze o uplaćenju taksu, prijava će biti vraćena.
6. Pozivaju se povjerioci da u roku od 30 dana obavijeste stečajnog upravnika koja prava osiguranja potražuju na predmetima imovine stečajnog dužnika.
7. Pozivaju se dužnici stečajnog dužnika da svoje dugove prema stečajnom dužniku izmire bez odlaganja.
8. Određuje se upis zabilježbe o otvaranju stečajnog postupka u sudskom registru Općinskog suda u Goraždu, koji se vodi pod brojem: MBS: 45-01-0011-16.
9. Oglas o otvaranju stečajnog postupka istaknut će se istog dana, 07.10.2024. godine, na oglasnoj tabli suda, a objavit će se i u "Sl. novinama F BiH".
10. Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.
11. Ročište za ispitivanje prijave potraživanja zakazuje se za dan ponedjeljak 26.12.2024.godine u 10,00 sati u zgradi Općinskog suda u Goraždu, prvi sprat, sudnica broj 21.
12. Istog dana nakon održanog ispitnog ročišta bit će održana Skupština povjerilaca na kojoj će se nakon izvještaja stečajnog upravnika odlučiti o daljem toku stečajnog postupka.

O b r a z l o ž e n j e

Predlagač Krajišnik Enisa, osnivač društva „Empek“ d.o.o. Goražde, dana 14.06.2024. godine, odnosno 02.07.2024. godine podnio je prijedlog za otvaranje stečajnog postupka nad društvom „Empek“ d.o.o. Goražde,. U prijedlogu se navodi da je odlukom osnivača Društva utvrđen prestanak rada privrednog društva „Empek“ d.o.o. Goražde, iz razloga platežne nesposobnosti.

Nakon što je ocijenio da je prijedlog dopušten i da postoji stečajni razlog, sud je na osnovu odredbe člana 103. stav 5. Zakona o stečaju F BiH donio odluku o otvaranju stečajnog postupka.

Za stečajnog upravnika sud je imenovao Besima Hamidovića iz Sarajeva, ulica ulica Osik do broja 7 Ilidža Sarajevo i utvrdio vrijeme otvaranja stečajnog postupka, shodno odredbama člana 104. tačka c) Zakona o stečaju.

Na osnovu člana 105. Zakona o stečaju sud je pozvao povjerioce stečajnog dužnika da prijave svoja potraživanja, kao i dužnike stečajnog dužnika da svoje obaveze koje imaju prema stečajnom dužniku bez odlaganja izvrše.

Sud je odredio upis zabilježbe o otvaranju stečajnog postupka u sudskom registru Općinskog suda u Goraždu, koji se vodi pod brojem: MBS: 45-01-0011-16.

Rješenje o otvaranju stečajnog postupka, shodno članu 107. Zakona o stečaju, istaknuto je istog dana na oglasnoj tabli suda, web stranici suda, na internet stranici FIA-e i dostavljeno Službenim novinama F BiH radi oglašavanja rješenja o otvaranju stečajnog postupka.

Sud je zakazao ročište za ispitivanje prijave potraživanja shodno odredbi člana 106. Zakona o stečaju.

Stečajni sudija

Muris Tatarin

Pouka o pravnom lijeku:

Protiv ovog rješenja žalbu može uložiti stečajni dužnik u roku od 8 dana od dana prijema rješenja. Žalba se podnosi Kantonalnom sudu u Goraždu putem ovog suda.